

## ¡BOMBA!

Pues estas son ecuaciones que duelen al resolver: cuando hablemos de mujer, que no haya más agresiones



# K'uintsil

Lunes 25 de noviembre de 2024

CAMPECHE · YUCATÁN · QUINTANA ROO · AÑO 10 · NÚMERO 2369 · [www.lajornadamaya.mx](http://www.lajornadamaya.mx)

## T'aanaj UE: ma' yéeybil u beeta'al ba'ax jets'a'ab tumen Corte Penal ti'al ka yanak u ma'achal Netanyahu



Reuters y Sputnik / p 28  
Oochel Ap

U jala'achilo'ob Unión Europea' ma' táan u béeytal u yéeyiko'ob wa u k'áato'ob, wa ma', u ch'a'anuktiko'ob ba'ax jets'a'an tumen Corte Penal Internacional (CPI) ti'al ka yanak u n ma'achal u yáax ministroil Israel, Benjamin Netanyahu, beyxan u exministroil Defensa Yoav Gallant, beey tu ya'alaj Josep Borrell, juntúul k'a'anan máak ich Unión Europea (UE) ti'al Exteriores y política de

seguridad, tu súutukil junmúuch' aleman ajmeyajo'ob tu k'as a'alajo'ob u lu'umilo'obe' ma' táan u beetik ba'ax jets'a'ab tumen CPI yóok'olal "u nazi k'ajla'ayil Alemania".

"Noj lu'umo'ob makt'ant Convención de Roma najmal u beetiko'ob ba'ax jets'a'abij. Ma' k'áatchi'ili", tu ya'alaj Borrell ti' xiímbal meyaj tu beetaj Chipre ti'al u beetik jump'éeel táayer yéetel

aktiibistáas ti'al u yantal jets' óolal ichil israelilo'obyéetel palestinoilo'ob.

Estadunidensil senador, Lindsey Graham tu ya'alaj ti' Canadá, Gran Bretaña, Alemania yéetel Francia "je'el u yantal si'ipil wa ka k'uchuk u yáanto'ob CPI", ts'o'oke' tu jach a'alaj Estados Unidos' "yaan u yantal u k'askúuntik u éekonomiaail noj lu'umo'ob" kun chíimpoltik ba'ax jets'a'ab tumen CPI.

U ajmeyajilo'ob Alemaniae' tu

ya'alajo'ob noj lu'ume' ma' táan u machik israelil ministro, Benjamin Netanyahu, yóok'olal bix yanik Berlín yéetel Tel Aviv, beyxan yéetel antisemitismo, je'el bix a'alabik tumen u pikil ju'unil The Jerusalem Post.

Talam in ti'al u tukultik wa je'el u béeytal u ma'achal máak Alemania yóok'olal ba'ax jets'a'abij, tu ya'alaj Steffen Hebestreit, máax beetik u k'a'aytajilo'ob j-alemanil Olaf Scholz.